



詞彙記

第一齣

第二齣

第三齣

第四齣

海宇歌

三農得澍

萬嶺丹爐

祥徵冰爾



恩

海宇歌

於二十八宿繞場下



雙調新水令於廣潤龍王引從上森東流一

線接

恩波。奏安瀾。四溟來賀。某乃錢塘江廣潤龍王是

也。聞得四海龍王欲往香水海中赴須彌山

王之請。從俺錢塘江經過。須索迎接者。四海

龍王各引從上樓臺浮彩蜃宮闕守靈鼉合

天鏡如磨。早則是御天風似輕舸。

四海龍王。某東海龍王。某西海龍王。某南海

龍王、某北海龍王、廣潤王、錢塘江廣潤龍王、
來此奉迎、四龍王、遠勞了、恭聞

聖天子五舉南巡之典、將至浙西、龍王自當敬率
水部神祇虔迎

法駕、俺因須彌山王相召、前去走遭、即便來也、雲
日祥光遍、乾坤瑞靄融、有山皆拱北、無水不

朝東、下場上設須彌山扮須彌山王從山內
開門引從上

折桂令、端的是插青霄萬仞嵯峨、上接着叨
利瑤宮、下踏着香海金波、只見那碧瀼瀼瑞

露飄蕭、翠臻臻靈椿掩映、瑤草婆娑、為甚麼
吉祥雲不住的、山腰暗鎖、為甚麼長養風鎮
日價山頂晴摩、某須彌山王是也、住在這香

水海中、只見大千世界、祥光繚繞、佳氣氤氳、
必定是中華國土、

大聖人持世、久道化成、故臻斯瑞、已經召請四海
龍王到此、詢訪一番、敢待來也、四龍王上、慈
雲長遍海、慧日正臨山、請問山王、召請我等、
有何見諭、須彌、恭聞中華國土、

聖天子持世、久道化成、俺香水海中、佳氣氤氳、祥

光繚繞請四位龍王將

大聖人盛德大業試說一番俺待要訪問風謠側聽謳歌好把那大功德銘勒僧祇美聲名洋溢醢羅。

四龍王若說起

聖天子的盛德大業真乃上際天表下蟠地軸韶

護不能罄其形容良史不能徧其紀載只好敬將大概臚舉一番

須彌洗耳恭聽
雁兒落帶得勝令**四龍王**論德呵行健的與天道合論功呵厚載的比坤輿大論文呵舒

彩毫日月光論武呵展瑠戈雷電過呀若是論仁呵廣蠲販樽衢沃論孝呵隆尊養蒲葦和中國呵統千官盡法廉外方呵重九譯爭朝賀魏峩便是你須彌山也高不似這無上圓成果滂沱任是俺功德海也流不盡這萬里湛恩波。

收江南**須彌**呀聽了這一番揚摧呵不覺的眼界開胸臆濶替這些有福的蒼生遙慶賀煥文章偌多奏成功偌多便比他柏皇粟陸更如何**龍王**暗下

扮二十八宿上繞場介

清江引角亢氐房心尾箕七星曜蒼龍燦燦

東方宿佳瑞先宜壽斗牛女虛危室壁七星

青陽分野殊耕織豐年奏合羨休和古今來

得未有。

公篇奎婁胃昂畢黠參七星耀西清一派文

光透於菟雄居右井鬼柳星張軫翼七星同

合元武精昏旦司占候合羨休和古今來得

未有。

二十八宿合角亢氐房心尾箕斗牛女虛危

室壁奎婁胃昂畢黠參井鬼柳星張軫翼法

界諸天遣致詞致向須彌山主側

聖德如天萬物春周徧大千億萬國休嘉之氣通

上蒼集瑞徵祥福無極二曜合璧五緯聯欲

傍須彌呈彩色命我禽星先報知少頃雲車

來絡繹須彌奇祥異瑞亘古希聞今得躬逢

昌勝欣幸二十八宿道猶未了五星早降也

扮五星上

沉醉東風判兩儀元機自流運颺輪萬古無

休欣逢

泰運交迭見

雍熙奏。哎呀。顯祥光早通列宿。黃道中間瑞靄稠。

描畫出天文錦繡。

二十八宿暗下各執瑞雲上五星妙呀方終

象緯連珠。又早卿雲呈綵真

聖主無疆之福也。

么篇順人心義畫箕疇。順天心寒燠春秋珠

編寶燄升。璧合清暉鬪。盡山河大地光流。更

奏著那復旦的卿雲現。綬糾祝

瑶闕齊光比壽。

二十八宿各執瑞雲擁二十諸天從須彌山

高處上須彌王暗下

梅花酒諸天呀。俺這裏駕雲頭覽上方。駕雲

頭覽上方。好異瑞殊祥。是二曜聯光。五緯成

行。善哉善哉。你看星緯聯珠。卿雲繚繞。奇祥

異瑞。亘古希聞。非

聖天子聖神文武德合穹蒼。昌克臻此。俺諸天欣

逢此盛。真乃讚頌無窮也。碧澄澄銀蟾出海

邦。紅燦燦金鏡照扶桑。的燦燦景星列珮璫。

燄騰騰卿雲動珠幌。總由那沛人寰

深恩曠。因此上閃天文麗錦張。遍黎民士農商。遍疆域雍豫梁。遍山川湖海江。遍中邊侯甸荒。咸額手執天香。俺諸天同讚揚。惟祝願福無央。惟祝願

壽無疆。

須彌山王引四海龍王上原來各位尊天雲

車齊降星雲兆祥諸天讚頌得未曾有也某

等則索上前項禮向上跪拜介

尾合須彌山直與祥霄傍。大海水

恩波滉漾。請看這九重天千道日星光。都則為四

部洲萬載仁風廣。

三農得澍

扮四農擡水車上

雙調鎖南枝蠶登箔麥上場。村村此時將插

秧。又四農擡水車上梅子綻金黃。又早山榴

放。作相見介四農今年春收足有十分蠶桑

又盛。這些時風調雨順，真是豐年之兆。只是

一件，必須一兩日內，早得大雨，方好插秧。四

農大富在天，小富在勤。我們不必候雨，先且

車水栽秧，等得一陣甘霖，我們的禾苗便長

在人家頭裏哩。四農我等也是此意。合好呀。

大家相幫相幫，便在這柳陰之下，搭起車來。
〔作搭車介〕齊著力，莫憚忙。只待沛甘霖，大家
共歡賞。

〔作搭車唱山歌介〕蕪詩翻翻，聯聯銜尾鴉，犖

犖确确，蛇骨蛇分，疇翠浪走雲陣，刺水綠鍼

抽稻芽，西湖四月收桑麻，鼃鳴窟中如打衙。

天公憐我農人甚，喚取阿香推雷車。〔內作雷

聲介〕衆嘍，總唱雷車，便是雷響哩。〔扮四婦女

一老一醜一村一俏俏者，城中粧束老者携

稚子醜者懷中抱子，村者提筐行上。

前腔携竹筥，提竹筐，野花一路風送香。〔醜女

作指俏女笑介〕你看這城裏嫁來的新娘，

連這田埂上的平路，還走不來，你看我們，脫

了鞋，赤了脚，要下田便下田，要下水便下水，

似你這樣斯文，怎麼好做活計。〔俏女〕我們城

裏人家，養蠶織布，做得銅斗兒般的人家，難

道單靠著這隻脚做活計不成。〔村女〕休要笑

他，畢竟他城裏的人，生得細巧，當家的歡喜

他。〔醜女〕說那里話，我雖然不算十分人才，當

家的到把我當做寶貝哩。〔村女〕你臉上原堆

著許多的寶貝。醜女寶貝在那里。俏女則你
這雙尊目，便是貓兒眼。老婦休得取笑，他們
做活計的人，肚中容易飢餓，等飯喫哩。我們
快走一步也好。衆畢竟你年紀老成些，說的
有理。行介一徑遶垂楊。沈沈綠暗塘。四農作
擡頭望介。那邊雲起處，好一個陣頭。頃刻有
大雨來了。作見四婦介。向後四農介。哥呀，你
家送飯的來了，怎麼我家還不送飯來。後四
農作。仰看介。那邊起了陣頭。頃刻便有大雨。
我們不用喫飯，收拾了水車，準備插秧便了。

四婦我們一同相幫，收了水車。作同收水車

介齊著力，莫憚忙。只待沛甘霖，大家共歡賞。

四婦道猶未了，斗大的雨點兒來了。四農好

大雨點，足有四兩重。四農你稱過麼，我看半

斤還不止哩。合笑下。內作雷聲，扮電母引雷

公上跳舞介。風伯雨師同上舞下。扮龍母引

龍子龍女上。庖犧八卦定陰陽，水府功勛未

可量。占取珠宮為樂國，全家完聚白雲鄉。俺

龍母是也，恭逢

聖駕五次南巡，孩兒東海龍王，前往錢塘恭迎

聖駕留下孫兒孫女與老身作伴。今日水晶宮景致十分清麗。正是日生雙闕紫潮長萬峰青。

內介玉旨下。扮傳言玉女持節引仙官儀從。

上玉帝有旨。著東海龍王行雨。限三刻之內。

十分霑足。以慰農心。不得有違。龍母率龍子

龍女跪接介。聖壽無疆。玉女引從下。龍母玉

旨限三刻之內行雨。孩兒未歸。如何是好。龍

子女婆婆。你孫兒孫女都會行雨哩。龍母行

雨大事。你們年紀太輕。恐有差訛。可是了得。

龍子女孩兒們小心便了。龍母須要十分小

心。龍子女請法器過來。龍母付楊枝法盞與

龍子付令旗與龍女介。善體天心。施化雨。遍

教人世沐恩波。下龍子女天曹水部一應行

雨。神將聽俺號令。內應介。眾雲童擁雷公電

母風伯雨師上。龍子女作駕雲行雨介。

北越角綿搭絮雲車飛駕。迅速把雲車飛駕。半

空中早聽得雷聲刮刺。法盞繡銅花。將這弄

清冷的小海輕輕納。順風兒携到了阿香家。

分做了縷縷金兒千把。向塵埃傾注些些。

么篇這壁廂峰巒黯淡。那壁廂林木橫斜。這

壁廂黑出出樓臺半隱。那壁廂暗騰騰城郭全遮。這壁廂撲撲速速漁舟欹側。那壁廂嘈雜雜鈴馱喧譁。這壁廂骨骨碌碌似屋瓦倒瀉。那壁廂轟轟割割似陣鼓驚過。

〔青山口〕則俺這呵風叱電承家法。小神通沒點差。將一個滿月瓶兒龍鬚上掛。將一個七星旗兒龍爪中拏。似這等時頭逢雨。賽過了錦上添花。看了這塘滿塘。澗滿澗。有什麼不歡慶。不歡慶也。農家。〔扮農丈人作醉態〕貓虎坊水庸。四神扶。上年和人易醉。民富祭常豐。

俺農丈人是也。今年春收大熟。普天下村戶人家。各各酬神賽願。也有村醪。也有官釀。也有陳醞。也有新醅。多承八蜡諸神殷勤相勸。把我老人家喫得大醉。天色將暮。欲回天宮。爭奈兩腳軟了。駕雲不起。有勞你們四位。把我揜扶。不覺已到半天之上。那當頭來了一隊烏雲。簇擁著一個小兒郎。一個小女郎。做甚麼作耍。四位。喚他們速速讓開。則個〔四神兀那小兒女們讓開雲路者〕龍子女。〔俺奉玉旨行雨。你是那色人數。怎不及早回避。反

來叫我釀路。農丈人作醉語介。我老人家年
紀大你幾十倍，如何不讓，況我是農祥星君，
當今重農貴本之時，那一個不尊我敬我。龍
子女笑介。您仗著年高齒加，施逞威風大欺
俺紅顏鴉髻嫩娃娃。我且問你，你在那里喫
得恁般大醉。農丈人。祇因物阜年豐，都是這
些農民祭賽我的龍子女，可又來，你那里誇
也休誇。譁也休譁。老丈呵，您南天門告了個
遊春假，恁般得意，醉飽謹啟。
聖藥王呀呀呀。若不是俺挽銀河，將白連天
的雨脚凌空下，傾玉髓，將綠刺水的秧針釵
放芽，那討的浪酒閒茶。

四神老丈，他說得有理哩，不虧他們行雨，俺
們那處去討民間的祭獻，須索讓他罷。農丈
人作點頭介。說得明白，怎不讓他，只是一件，
我兩脚酥軟了，多謝你們揠扶到此，自此以
上，天路清虛，也不是你們可到之境，意欲多
借他幾朵飛雲，送我天上去，可使得。龍子女
豐年為瑞，雖仗我家行雨之功，其實老丈也
有點佑之力，況你是老人家，我們怎不敬你。

方纔不過偶然相戲耳。

〔慶元貞〕借與你俏雲童。俏雲童款款扶將罷。順踏著白雲一徑向天涯。再不用拄杖敲門問酒家。唱道是：嗒也麼嗒。帶餘醺歸路賒。

〔雲擁農丈人高處立拱手介〕多謝了。〔下四神〕俺們仍回職守去也。來逢春峽雨歸。起暮山

雲。〔分下〕龍子女。〔東南一角〕還差幾點兒雨。衆神將俺們一發行到了。方好回復玉旨。〔衆齊應介〕

古竹馬懷揣中潤蒼生靈根活芽。吐風雷走的。嗶嗶似海泛仙槎。遲共疾滿恒沙。浙瀝蒹葭。儵忽雲霞。來往蟠拏。待懸崖勒馬。翻盆聲勢。頃刻收衙。來朝呵。放出那煮秧科的晴暉。晴暉萬瓦。〔齊下〕四農歡容各携農具上。昨夜

好雨呀。〔雙調〕朝元令。蒲塘柳塘處處流新漲。〔又〕四農歡容各抱秧苗上。今日快晴。正好插秧也。雲光日光閃閃波紋漾。正好農工。大家齊上。莫辭

午汗流漿。幾度斜陽。早門前稻花臨水香。穎粟待登場。油雲四野黃。準備牲牢蜡享。蕡桴

土鼓。把。豳風同唱。豳風同唱。

葛嶺丹爐

扮四青鸞。四白鶴。上。遶場飛舞。下。扮青龍白

虎。朱雀。元武。四天將。引六丁六甲神。跳舞上。

黃婆內介。仙翁有令。六丁六甲之神。與俺安

爐立鼎。向初陽臺上者。丁甲得令。扛丹爐上。

安立中央介。扮黃婆着黃八卦衣。引四嬰兒

四姪女。各按四方服色上。

北仙呂。賞花時。萬古陰陽一鼎爐。把坎離艮巽

四邊鋪。殼中一綫透元樞。助的箇谷神常住。

任伊家長嘯海山孤。

想俺仙翁燒煉此丹，非同容易也。

么篇恁看那房兔多情戀畢鳥。可正是龍躍天潭半子初。安排下先天太極圖。待一味水中金露。抵多少玉沼產靈珠。

四將丁甲暗下扮葛洪道服持拂上

中紅繡鞋。蒼煙霞清虛古洞。走龍雷紫極仙

宮。依碧礧轉蒼松。雲行常帶雨。星步欲凌風。

俺且向煉丹臺看鉛汞。

黃婆等作接介黃婆率領嬰兒姹女。恭見仙翁。葛笑介妙呀。且喜嬰兒姹女。都被你黃婆

勾引在一處了。黃婆聽俺分付。

迎仙客俺則為絳都春日月長。看着這

紫微天景物融。端的是萬靈盡向

瑶階拱。俺待要凌虛勅兩風。御氣排鸞鳳。煉出大

還丹壽數齊天永。向

閻闔虔誠貢。

閻闔虔誠貢。

黃婆領法諭待俺會集五方之帝。共護丹爐。

童兒們各按方色與東西南北四位帝君推

轂扶輪俺同黃庭真人親御中央大帝之車。

使水火鉛汞抽酌均勻待得初陽臺瑞日呈

華大藥成矣。嬰姹領法諭。下黃婆。正是金木
抽添真卯酉。坎離填補古乾坤。黃婆下內細
樂葛洪立高處。介於東方帝乘青羽葆車青
冕服。二青衣嬰姹扶車上。青上帝君。厥諱雲
狗。錦帔青帟。遊迴虛無。於南方帝乘赤羽葆
車。赤冕服。二赤衣嬰姹扶車上。赤帝玉真。厥
諱丹容。丹錦緋羅。遊戲太空。於西方帝乘白
羽葆車。素冕服。二素衣嬰姹扶車上。白帝玉
真。號曰浩庭。三光同暉。昇入華庭。於北方帝
乘黑羽葆車。黑冕服。二黑衣嬰姹扶車上。北
帝黑真。號曰元子。玉女侍衛。年同劫紀。於中
央帝乘黃羽葆車。黃冕服。黃庭真人黃婆扶
車上。黃帝玉真。總御四方。周流無極。號曰文
梁。合今有葛仙翁。於初陽臺燒煉還丹。延年
祝

國。俺等特來保護者。

石榴花。俺則見彩雲環繞紫霄宮。舒羽袖拂
金虹。俺則待驅雷召岳叱鸞龍。把黃芽暗種。
白雪輕融。刮刺刺運飈輪。刮刺刺運飈輪。銀
河倒挽金波湧。玉心瓊想。知音自懂。等待那

天池中。等待那天池中。甘肥玉水微微送。恰
便似浴身清碧夢輕紅。

仙翁丹已成矣。待得初陽臺上。瑞日呈華。方
可啓爐。俺等且遊戲上清去也。雲窟留丹竈。
春暎種玉田。相將騎白鹿。直上大羅天。下扮

魏伯陽張紫陽同工

鬪鶴鷄。暢好是。燄騰騰。煮玉炊瓊。燄騰騰。煮

玉炊瓊。的。燄燄。擒鉛捕汞。恰纔的。鬧垓垓。鞭

鳳。答龍。一會家。靜悄悄。停雲歸洞。魏俺魏伯

陽。張俺張平叔。一向在浙省樓真。聞得萬仙

翁。於初陽臺。安鼎煉丹。延禧祝

國。大藥將成。張仙長精通火候。洞曉抽添。到彼

相助。必更有神功異效也。魏你是古今第一

神仙。那末後一着的工夫。還讓你後來居上。

張不敢。合我們一同到初陽臺看視去。與葛

相見介。聞得您丹竈金爐。點雪融。早則見文

武火變青紅。仙翁。你看正東方。瑞日呈華也。

一會價艷晶晶海旭初昇。艷晶晶海旭初昇。

厮湊着。綵紛紛。絳雲齊湧。

內設日輪。扮太陽星君。從日輪上作獻出日

華介

上小樓錦繡。從翔綵鳳。光鳥奕舞。斑龍赤紫。
的離了海嶠。出了天闕。照到瑤宮。魏張葛仙
翁請看初陽臺上。瑞日呈華。丹爐之啟。在此
時也。葛敢煩二位仙翁相助。三仙同作步罡
掐訣介。丁甲神何在。六丁甲神工作啟爐。爐
中現出無數紅蝠。中作

萬壽字樣介。三仙妙呀。這總是人意天同。這總是
人意天同。風呵雲護。星聯日捧。抵多少白環
銀甕。

三仙丁甲神持此丹爐與俺敬獻

天闕者。丁甲領法諭。丁甲神扛鼎下。三仙向上跪

拜介。五方帝復上立高處合唱介。

耍孩兒。則聽說秘靈笈。是華陽洞。那知道煉
真丹。還有這葛仙翁。人間福地仙源共。滿青
山。瑤草丰茸。看龍樓高下。金銀闕。聽鳳曲。悠
揚珠貝宮。祝

聖壽春長永。憑着這赤文綠字。穩情取鶴舉鸞神。

祥徵冰繭

場上五色蛾大小數十枚飛繞介扮園客夫婦著繡蝶披風携手行上

南宜春令春雲靜春海遙美夫妻雙遊碧霄夜來微雨添幾多新綠暗江郊俺園客夫婦

自成仙以來仍司蠶事這浙西一帶地方蠶桑之盛甲於天下因此順著祥風前來遊戲

欲驗他物阜時康只看取筠筐雪箔扮馬頭娘引從上江皋是何處紅樓垂楊烟裊

園客夫婦九宮仙嬪稽首馬頭娘仙翁仙姑

萬福、我等職掌蠶絲、今當海宇雍熙、又值

時巡盛典、自應保護蠶桑、恭呈瑞應、仙翁其有意

乎、園客夫婦仙嬪、但默加護佑、待愚夫婦親

至人間、授以飼蠶之術、管教華蠶瑞繭、再見

於今日也、馬頭娘如此甚好、合從來

盛世重蠶桑、衣被生民德澤長、越女家家春滿箔、

畫墻低處碧枝揚、同下

懶畫眉扮採桑女、姑嫂各二人提筐行上、簇

長隄芳草似裙腰、穿過了花徑高低露未消、

把繡弓鞋兜穩度溪橋、作採桑介悄迴身輕

把柔枝拗、早則是初日移紅上臉潮、

前腔園客夫婦立舟中、手執香草五色蛾圍

繞、二侍女盪槳行上、碧琉璃滑律的打雙橈、

看夾岸桑陰影欲交、二嫂招手介、姑姑這里

來、二姑嫂嫂這邊桑條更嫩哩、二仙是何來

風送好音遙、只道是花間睨睨啼黃鳥、恰原

來林下紅粧笑語嬌、

衆女作看介、好奇怪、這舟中如何有許多蝴

蝶圍繞、二姑怎生撲得幾個來、頑耍也好、二

嫂那舟中有官客、不可多言、園客作問介、此

去杭州、有多少路。衆女作嬌羞、佯避介仙女。
男有男行、女有女伴、待我問來、借問一聲、此
去杭州、有多少路。衆女此間湖郡東鄉、前面
是杭州交界了、敢問娘娘來此何幹。仙女愚
夫婦遠方而來、販買新絲的。衆女來得略早
了些、初蠶正在結繭、我等採桑、是喂二蠶的。
仙女今年蠶事何如。衆女今年最盛。仙女你
若依我、還要盛哩。衆女好奇怪、一陣香風、飄
拂過來、實非人間所有、好疑猜也。
浣沙溪都梁屑、艾納膏、入荀衣、馥郁難消。二

仙衆位不知、此香在我們的手中也。衆女我
不信、這靈根幾葉青青草、怎能散作天香。
雲外飄。二仙你們不信、試將此草執在手中、
將草與女介擊奇著。衆蝶飛向衆女身邊介
二仙你看衆蝶都隨著飛過來也、若不是異
香惹得花衣繞、如何一雙雙趨向妖嬈。
衆位女娘們、我實對你們說了罷、將此香草、
和桑葉飼蠶、必有奇瑞、只一件、須當廣布公
傳、不可私為己有。內風起、二仙急下。衆女好
奇怪、一陣清風、忽然不見、敢是仙真顯化也。

秋夜月事蹊蹺。手內分明香草。衆蝶隨桑女

飛介看戀香綵蝶衣邊。望載香彩鷓雲中

渺。二姑我們將此香草。回去飼蠶。併告知母

親。分與鄉鄰村鎮便了。二嫂正是合與流傳

最好。諒福綠非小。下

扮新婦艷粧扶侍姑執杖上。東家西家罷來

往。晴日深窻風雨響。二眠蠶起食葉多。陌頭

桑樹新枝長。新婦福介婆婆萬福。姑新婦你

嫁到我家。未經滿月。勤襄蠶事。不懈女工。深

為可喜。我老人家養蠶多年。從未見今年蠶

事之盛。皆由

聖天子德化所致。前日我媳婦女兒。湖畔採桑。遇

異人授以香草。我當下分給同村同鎮養蠶

之家。教他伴了桑葉飼蠶。那蠶長得十分肥

樣。此時二蠶又將成繭。新婦你媪媪姑姑在

那里做什麼。新婦告婆婆知道。二位媪媪在

那里煮繭。二位姑姑在那里繅絲。恰纔聽得

媪媪姑姑都是一派歡笑之聲。敢是二蠶更

盛哩。姑好呀。二嫂捧大繭。二姑捧五色絲。作

喜容急上。忙將悅意事。報與掌家人。二嫂婆

婆你看這蠶繭大如雞子。二姑母親你看這
絲纒出釜中便成五色好鮮明也。姑阿彌陀
佛我家養蠶多年從不曾見這般祥瑞哩。

三換頭閱幾多秋月春韶到如今顏蒼髮皓。

合那曾見萬丈霞霄出落在半莖香草。姑我

曾將此草分與各村鄰舍。合怎沒個人來相

報。那壁廂不知比這壁廂豐盈多少。雜扮鄉

村婦女八人兒童四人妍媸各半分捧大繭

五色絲上叩門介承分靈草感深恩為謝娘

行特叩門蛺蝶連朝飛不散天香留在杏花

村入見福介老親娘承分香草飼蠶那知有

此異瑞這不是繭結冰紋耀這不是絲抽雲

錦昭。合便將來譜作豳風把蠶織全圖另樣

描。

姑作大喜介阿彌陀佛若非

聖天子洪福齊天怎得有此。四姑嫂難得你老人

家如此歡喜我們新編了一個打枣竿的小

曲兒唱與你老人家聽者。打枣竿採桑人晨

起把烏雲輕挽小步出香閨見幾隻蝴蝶翩

翻蝴蝶兒齊飛向越羅裙衩飛去又飛來都

愛著裙上的花，鄰家四童，我還有個太平調
的曲兒，一發唱與你老人家聽罷。太平調一
重楊柳一重青，太平年，五里桃花十里明，年
太平，採桑娘子裙邊俏，太平年，種菜的哥哥
笠子兒輕，年太平，紅闌干外酒旗青，太平年，
綠水的池塘曉日明，年太平，一隻乳燕衝簾
過，太平年，掠水穿花身子兒輕，年太平，姑同
眾喜笑介，唱得有趣，真乃太平佳瑞也。五色
蛾仍滿場飛介，眾你看這蝴蝶兒依舊飛來，
敢是三蠶還要盛哩。

慶餘姑穩扶筇，閒向孫曾笑，把佳語喧傳村
落。合看這些五色蛾兒，還在迴廊那邊繞。眾
同下，五色蛾繞場飛下。完





